

**SAVEZ LOVAČKIH DRUŠTAVA  
TUZLANSKOG KANTONA  
T U Z L A**

**S T A T U T**

**SAVEZA LOVAČKIH DRUŠTAVA TK**  
(Prečišćeni tekst)

**Tuzla, aprila 2009.godine**  
**Tuzla, septembra 2014.godine**

Na osnovu člana 12. a u vezi sa članom 52. Zakona o udruženjima i fondacijama (Službene novine Federacije BiH broj 45/02), člana 12. Zakona o lovstvu FBiH (Sl. Novine FBiH br:4/06), i člana 24 i 47 Statuta Saveza lovačkih društava Tuzlanskog Kantona (prečišćen tekst) br:06/1-05-6134/04 od 07.06.2004. godine, **te odluke br.01-36/14 od 30.09.2014.godine**, Skupština Saveza lovačkih društava Tuzlanskog kantona, na sjednici održanoj ( 24.04.2009.godine) 30.09.2014.godine, donosi :

## **STATUT**

### **SAVEZA LOVAČKIH DRUŠTAVA TUZLANSKOG KANTONA**

**(Prečišćen tekst)**

#### Član 1

Savez lovačkih društava Tuzlanskog kantona ( u daljem tekstu: Savez) osnovan je na osnivačkoj Skupštini predstavnika udruženja lovačkih društava na području Tuzlanskog kantona, održanoj dana 03.09.1995.godine, u Tuzli.

#### Član 2

Puni naziv Saveza je :

**« SAVEZ LOVAČKIH DRUŠTAVA TUZLANSKOG KANTONA «**

Skraćeni naziv Saveza je :

**« SLDTK «**

#### Član 3

Sjedište Saveza je u Tuzli, u ulici Džindić Mahala broj 13.

#### Član 4

Savez djeluje na teritoriji Tuzlanskog kantona.

#### Član 5

Savez ima svojstvo pravnog lica.

Savez je samostalan u ostvarivanju svojih ciljeva i zadataka utvrđenih ovim Statutom u skladu sa Ustavom i Zakonom.

#### Član 6

Savez zastupa i predstavlja predsjednik( Predsjedništva) Upravnog odbora Saveza.

#### Član 7

Djelatnost Saveza je razvijanje i unapređivanje lovstva i preduzimanje zajedničkih mjera u gazdovanju lovištima na teritoriji Tuzlanskog kantona.

## Član 8

Savez može u okviru svoje djelatnosti i programskih ciljeva osnivati subjekte za privrednu i drugu djelatnost, pod uvjetima utvrđenim Zakonom i ovim Statutom.

## Član 9

Savez može osnovati subjekte za privrednu i drugu djelatnost ako će se njihovim osnivanjem doprinijeti efikasnijem obavljanju djelatnosti i ostvarivanju programskih ciljeva Saveza ili ako je to ekonomski svrsishodno radi sticanja potrebnih sredstava za njihov rad i rad članova Saveza kao i za razvoj i unapređenje lovstva.

Odluku o osnivanju subjekata iz prethodnog stava donosi Skupština Saveza na prijedlog (Predsjedništva ) Upravnog odbora Saveza.

## Član 10

Savez ima svoj znak, pečat i štambilj.

## Član 11

Znak Saveza je grafički stilizovan znak u obliku štita, sa dvije polukružne lente, u čijoj sredini se nalazi u gro planu, trofej rogovi srndaća, a u pozadini-tava sa slanom vodom koja se isparava.

U gornjoj lenti upisan je tekst: Tuzla, a u donjoj lenti tekst: Savez lovačkih društava Tuzlanskog kantona.

Pečat Saveza je okruglog oblika, prečnika 30 mm sa ispisanim nazivom, sjedištem i znakom Saveza u sredini pečata.

Štambilj Saveza je četvrtastog oblika sa ispisanim nazivom i sjedištem Saveza, brojem, datumom i crticama za upisivanje broja i datuma.

## Član 12

Programski ciljevi Saveza su zajedničko planiranje odnosno utvrđivanje i provođenje jedinstvene politike u lovištima na području Tuzlanskog kantona, kao i optimalno razvijanje i unapređivanje lovstva uz primjenu najsavremenijih dostignuća nauke o lovstvu.

U ostvarivanju svojih programskih ciljeva, Savez izvršava naročito slijedeće poslove i zadatke:

- objedinjuje djelovanje i rad svih članova saveza,
- potstiče i pomaže naučno-istraživačku djelatnost u lovstvu,
- planira i programira razvoj i unapređenje lovstva,
- prati i nadzire realizaciju lovno-privrednih osnova i programa svojih članova i predlaže i preduzima mjere za njihovu blagovremenu i dosljednu primjenu,
- nadzire zaštitu rijetke i ugrožene divljači te pruža stručnu i drugu pomoć u uzgoju divljači,
- pruža pomoć u organizovanju lovnog turizma, propagandi lovno privrednih mogućnosti i u drugim pitanjima zaštite, uzgoja lova i korišćenja divljači,
- unapređuje, organizuje i razvija kinološke aktivnosti i lovno streljaštvo,

- doprinosi podizanju lovne kulture, razvijanju smisla za zaštitu prirode i jačanju lovne etike i morala,
- prati i analizira primjenu propisa o lovstvu i njihov uticaj na razvoj lovišta, i nadležnim organima predlaže odgovarajuće mjere,
- organizuje lovačke ispite, te pruža pomoć u stručnom usavršavanju svojih članova, putem stručnih savjetovanja, seminara i predavanja, na prijedlog članova Saveza,
- propagira lovstvo organizovanjem lovačkih izložbi, lovnokinoloških priredaba i drugim propagandnim informativnim aktivnostima,
- saraduje sa drugim savezima, organima i organizacijama na poslovima i zadacima lovstva,
- dodjeljuje lovačka odlikovanja, priznanja i nagrade za doprinos svojih članova u razvijanju i unapređivanju lovstva, a na prijedlog članova Saveza,
- vrši i druge poslove i zadatke koje mu povjere članovi Saveza.

### Član 13

( U Savez se udružuju lovačka društva na području Tuzlanskog kantona.)

U Savez se udružuju lovačka društva sa područja Tuzlanskog kantona i drugih teritorija u BiH.

U Savez se udružuju lovačka i privredna društva koja su korisnici lovišta i druga udruženja i privredna društva koja se bave poslovima lovstva ili koja imaju određeni interes za unapređenje lovstva (kinološka udruženja, udruženja za zaštitu prirode, gorani, izviđači, planinari isl.) ako žele biti članovi Saveza i ako izraze spremnost da će pomagati, podržavati i raditi na unapređenju lovstva i lovne politike koju realizuje Savez.

Članice saveza su ravnopravne u ostvarivanju svojih prava.

Statut i drugi akti članica Saveza su u skladu sa Statutom Saveza.

Sve članice Saveza dužne su uskladiti svoje statute i druge akte sa Statutom Saveza najkasnije do( 31.12.2009.godine.) 30.04.2015.godine

Sve članice Saveza su dužne provoditi odluke, zaključke, stavove i planove organa Saveza, te izvršavati obaveze utvrđene ovim Statutom i drugim aktima Saveza».

### Član 14

Odluku o prijemu u članstvo Saveza, donosi na zahtjev zainteresovanog udruženja, (Predsjedništvo ) Upravni odbor Saveza, većinom glasova prisutnih članova( Predsjedništva.) Upravnog odbora.

### Član 15

- Članstvo u Savezu može prestati članu koji u dužem vremenskom periodu u većem obimu, ne izvršava svoje obaveze prema Savezu kao i članu koji krši odredbe Zakona o lovstvu
- Članstvo u Savezu može prestati i dobrovoljno po istoj proceduri koja važi za dobrovoljno pristupanje

### Član 16

Odluku o suspenziji članstva u Savezu, donosi (Predsjedništvo,) Upravni odbor većinom glasova od ukupnog broja članova ( Predsjedništva, ) Upravnog odbora do konačne odluke o isključenju koju donosi Skupština Saveza.

## Član 17

U cilju stvaranja uvjeta da Savez može realizovati svoje zadatke, članice Saveza imaju slijedeća prava i dužnosti:

- da se međusobno dogovaraju o zajedničkim zadacima i aktivnostima,
- da daju inicijative i prijedloge za aktivnost i usavršavanje rada upravnih organa Saveza,
- da iznose probleme iz svog rada i djelovanja pred upravne organe Saveza i da u tom pravcu traže pomoć i savjete,
- da ostvaruju kontrolu rada organa saveza,
- da učestvuju u utvrđivanju politike Saveza i njegovih upravnih organa i da politiku, zadatke, dogovore i zaključke upravnih organa Saveza obavezno sprovode u život na svom području,
- da akciono i finansijski učestvuju u ostvarivanju zajedničkih poslova i zadataka, plaćajući određene doprinose,
- da dosljedno primjenjuju savremene postavke o lovstvu koje predviđaju da se divljač može loviti samo u onom broju koji daje godišnji prirast, i to u situaciji kada su proljetni fondovi jednaki kapacitetu lovišta,
- da dosljedno izvršavaju poslove i zadatke na uzgoju i zaštiti divljači kao i one na planu uređenja i racionalnog korišćenja lovišta,
- da vode sređene podatke o svemu što se u lovištu uradilo kako bi se pravovremeno uticalo na sprečavanju neželjenog razvoja,
- da pri vršenju lova vode računa o propisima koji se odnose na lov i lovnu etiku svojih članova lovaca, posvećujući dužnu pažnju stručnom i moralnom uzdizanju članova, prateći lovačku štampu i drugu izdavačku djelatnost u lovstvu.

Savez je dužan da u okviru svojih prava i dužnosti, mišljenja, inicijative i prijedloge svojih članova, razmatra i o njima zauzima stavove.

## Član 18

( Upravni organi Saveza su:)  
Organi Saveza su:

- Skupština,
- (Predsjedništvo,) Upravni odbor
- Savjet za lovstvo,
- Savjet za kinologiju,
- Nadzorni odbor,

## Član 19

Skupština je najviši upravni organ Saveza.

## Član 20

Skupštinu Saveza sačinjavaju izabrani predstavnici članova Saveza.

Broj predstavnika u Skupštini srazmjern je brojnom stanju članova svakog pojedinog člana Saveza, tako da se na svakih 150 članova bira po jedan predstavnik, stin što svaki član Saveza ima najmanje jednog predstavnika u Skupštini.

Ako broj lovaca u članici podijeljen sa brojem 150 daje količnik sa ostatkom većim od 75, članica delegira još jednog delegata u Skupštinu Saveza.

## Član 21

Mandat članova Skupštine Saveza traje četiri godine, stin da isti mogu biti birani još jedan mandat.

Svaki predstavnik je dužan da podnese uvjerenje o izboru za člana Skupštine koje mu izdaje član Saveza kojeg on predstavlja u Skupštini.

## Član 22

Skupštinu otvara predsjednik( Predsjedništva) Upravnog odbora Saveza.  
Radom Skupštine rukovodi radno predsjedništvo koje se bira iz reda članova Skupštine.

## Član 23

Skupština može punovažno odlučivati ako je na sjednici zastupljena natpolovična većina ukupnog broja članova Saveza i ako je prisutno više od polovine ukupno izabranih predstavnika u Skupštini.

Odluke i zaključci donose se većinom glasova prisutnih predstavnika članova Saveza.  
Glasanje se vrši javno ili tajno, o čemu odluku donosi Skupština.  
Javno glasanje se vrši dizanjem ruke, a tajno glasanje se vrši pomoću glasačkih listića.

## Član 24.

Skupština vrši naročito slijedeće poslove:

- donosi Statut, Pravilnik o priznanjima i odlikovanjima, Pravilnik o polaganju lovačkih ispita i Poslovnik o radu Skupštine,
- donosi godišnje i srednjoročne planove razvoja lovstva i kinologije,
- razmatra i usvaja izvještaje o radu i prijedloge upravnih organa Saveza,
- donosi akt o materijalno finansijskom poslovanju Saveza,
- razmatra prijedloge i zahtjeve članova i donosi odgovarajuće zaključke i preporuke,
- bira i razrješava članove upravnih organa Saveza,
- bira i razrješava predstavnike Saveza i druge organe i organizacije,
- odlučuje o prigovorima protiv odluka upravnih organa Saveza,
- odlučuje o prestanku članstva u Savezu,
- odlučuje o prestanku rada Saveza,
- (donosi minimalni cjenovnik za odstrel divljači i ostale usluge u vezi sa lovom.)
- donosi i druge odluke i opšta akta za koje je ovlaštena propisima, ovim Statutom i drugim opštim aktima Saveza.

## Član 25

( Predsjedništvo ) Upravni odbor je upravni organ Saveza a istovremeno je i kolektivni izvršni organ Skupštine.

## Član 26

( Broj članova u Predsjedništvu odgovara broju članica Saveza.)

( Članovi Predsjedništva iz reda članica su aktuelni Predsjednici lovačkih društava.)

( Skupština Saveza, nakon što izvrši verifikaciju mandata članova Predsjedništva, bira, na prijedlog Predsjedništva Saveza, Predsjednika Predsjedništva Saveza i njegovog zamjenika iz reda članova Predsjedništva većinom glasova prisutnih delegata. )

( Predsjedniku lovačkog društva, odnosno članu Predsjedništva Saveza izborom za predsjednika Predsjedništva Saveza, prestaje mandat Predsjednika društva iz kojeg je delegiran, te isti treba podnijeti ostavku na funkciju predsjednika društva u roku od 15 dana od dana izbora za Predsjednika Saveza.)

Upravni odbor SLDTK čine aktuelni predsjednici članica SLDTK i Predsjednik Upravnog odbora kojeg bira Skupština iz reda članstva.

Skupština SLDTK, nakon što izvrši izbor Predsjednika Upravnog odbora, bira njegovog zamjenika iz reda članstva i donosi odluku o verifikaciji mandata ostalih članova Upravnog odbora.

Predsjedniku članice, odnosno članu Upravnog odbora SLDTK, eventualnim izborom za Predsjednika Upravnog odbora, prestaje mandat Predsjednika članice u roku od 30 dana od dana izbora za Predsjednika Upravnog odbora SLDTK.

## Član 27

Mandat Predsjednika( Predsjedništva) Upravnog odbora, zamjenika Predsjednika, kao i članova( Predsjedništva) Upravnog traje četiri godine, stim da se po isteku mandata isti mogu birati još jedan mandat od četiri godine, ali ne više od dva puta uzastopno.

Istekom mandata članova ( Predsjedništva) Upravnog odbora na funkciji Predsjednika društva, prestaje i mandat u ( Predsjedništvu) Upravnom odboru Saveza Lovачkih društava TK, osim izabranog Predsjednika ( Predsjedništva ) Upravnog odbora Saveza.

## Član 28

Sjednica( Predsjedništva ) Upravnog odbora može se održati i na njoj punovažno odlučivati ako je prisutno više od polovine njegovih članova.

Sjednici ( Predsjedništva) Upravnog odbora prisustvuje i sekretar Saveza, bez prava odlučivanja.

Odluke i zaključci (Predsjedništva) Upravnog odbora donose se većinom glasova prisutnih članova ( Predsjedništva) Upravnog odbora.

## Član 29

( Predsjedništvo ) Upravni odbor vrši naročito slijedeće poslove i zadatke:

- stara se o sprovođenju odluka i zaključaka Skupštine,
- daje inicijativu za donošenje propisa o lovstvu, razmatra nacрте tih propisa i utvrđuje primjedbe, prijedloge i mišljenje saveza na iste,
- razmatra izvještaje i informacije o sprovođenju propisa o lovstvu,
- utvrđuje prijedloge Statuta i drugih opštih akata, planova i programa koje donosi Skupština,
- prati i analizira rad članica na sprovođenju odluka i zaključaka Skupštine i preduzima odgovarajuće mjere,
- koordinira rad organa Skupštine na izvršavanju njenih stavova i zaključaka,
- podnosi izvještaj o svom radu Skupštini,
- daje objašnjenja za pravilnu primjenu Statuta i drugih opštih akata Saveza,
- organizuje savjetovanja i druge skupove članova radi razmatranja i dogovora o pojedinim pitanjima od važnosti za unapređenje lovišta,
- upravlja imovinom Saveza,
- imenuje sekretara Saveza kao i svoja pomoćna radna tijela,
- vrši i druge poslove određene propisima, ovim Statutom i drugim opštım aktima Saveza.

### Član 30

(Savjet za lovstvo je stručni organ Skupštine Saveza koji se sastoji od 5 članova.)

Savjet za lovstvo je stručni organ Saveza koji broji od 5-9 članova.

(Savjet za lovstvo bira Skupština iz reda predloženih kandidata od strane članica Saveza, kao i drugih lica koja se bave problemima lovstva.)

Savjet za lovstvo bira i razrješava Upravni odbor iz reda predloženih kandidata od strane članica Saveza, kao i drugih lica koja se bave problemima lovstva.

( Mandat članova Savjeta traje četiri godine, stim da po isteku mandata isti mogu biti birani još jedan mandat.)

Mandat članova Savjeta traje četiri godine, stim da po isteku mandata mogu biti ponovo birani.

Radom Savjeta rukovodi predsjednik, kojeg Savjet bira iz reda svojih članova.

Odluke i zaključci Savjeta, donose se većinom glasova prisutnih članova.

### Član 31

Savjet za lovstvo, polazeći od naučnih i stručnih saznanja iz oblasti lovstva razmatra stanje lovstva i predlaže skupštini i ( Predsjedništvu) Upravnom odboru mjere za uzgoj i zaštitu divljači, unapređenje lovstva i lovišta.

Savjet za lovstvo donosi svoj program rada u skladu sa zaključcima Skupštine i (Predsjedništva) Upravnog odbora.

( Predsjedništvo) Upravni odbor u cilju donošenja što adekvatnijih zaključaka i preduzimanja mjera u lovstvu traži od Savjeta stručna mišljenja i prijedloge o pitanjima koja se razmatraju na sjednicama ( Predsjedništva) Upravnog odbora.

Savjet za lovstvo razmatra i predlaže program naučno-istraživačkog rada u oblasti lovstva u skladu sa interesima, potrebama i finansijskim mogućnostima Saveza.



U cilju što potpunijeg sagledavanja pojedinih pitanja iz oblasti lovstva, Savjet može organizovati svoj rad po komisijama i grupama.

Savjet podnosi izvještaj o svom radu Skupštini Saveza.

### Član 32

( Savjet za kinologiju je stručni organ Skupštine Saveza, koji se sastoji od 5 članova.)

Savjet za kinologiju je stručni organ Saveza, koji se sastoji od 5 članova.

( Savjet bira Skupština iz reda predloženih kandidata od strane članica Saveza, kao i drugih lica koja se bave problemima kinologije.)

Savjet za kinologiju bira i razrješava Upravni odbor iz reda predloženih kandidata od strane članica Saveza, kao i drugih lica koja se bave problemima kinologije.

( Mandat članova Savjeta traje 4 godine, stim da isti mogu biti birani još jedan mandat.)

Mandat članova Savjeta traje četiri godine, stim da isti mogu biti ponovo birani.

Radom Savjeta za kinologiju rukovodi predsjednik, kojeg bira Savjet iz reda svojih članova.

Odluke i zaključci Savjeta donose se većinom glasova prisutnih članova.

### Član 33

Savjet za kinologiju Saveza predstavlja u BKS Predsjednik Savjeta, koji je ujedno i član Predsjedništva BKS, kao i delegati u Skupštini BKS, koji se biraju iz reda Lovačkih društava Saveza TK.

Savjet za kinologiju razmatra stanje, pojave i probleme kinologije i predlaže Skupštini i Predsjedništvu mjere za unapređenje ove djelatnosti.

Savjet za kinologiju o svom radu podnosi izvještaj Skupštini Saveza.

Savjet za kinologiju predlaže ( Predsjedništvu) Upravnom odboru i Skupštini Saveza godišnje i dugoročne programe razvoja kinološke djelatnosti.

Savjet za kinologiju imenuje svoj stručni kolegij kinoloških sudija u skladu sa upustvom koje donosi Savjet za kinologiju.

### Član 33a

Nadzorni odbor je organ Saveza koji kontrolira finasijsko poslovanje Saveza.

Nadzorni odbor je dužan po potrebi a najmanje jedanput godišnje pregledati finasijsko poslovanje Saveza. O svom radu Nadzorni odbor izvještava Skupštinu Saveza.

Svi organi i stručne službe Saveza dužni su Nadzornom odboru pružiti sve potrebne podatke, omogućiti uvid u dokumentaciju koju zatraži, te izvijestiti o tome šta su poduzeli u vezi s nalogima i prijedlozima Nadzornog odbora.

Članove Nadzornog odbora bira Skupština Saveza iz reda članstva, vodeći računa da u Nadzorni odbor ne mogu ući članovi ( Predsjedništva) Upravnog odbora Saveza.

Nadzorni odbor ima 3 člana sa mandatom od 4 godine, s tim što mogu biti ponovo birani još jedan mandat.

Nadzorni odbor bira predsjednika iz svojih redova koji predsjedava sjednicama Nadzornog odbora.

#### Član 34

Bliže odredbe o radu upravnih organa Saveza uređuju se Poslovníkom.

#### Član 35

Članovi upravnih organa Saveza rade u skladu sa smjernicama i stavovima članova koji su ih izabrali i u skladu sa stavovima i zaključcima Skupštine, Statutom i drugim opštim aktima Saveza.

#### Član 36

Član Saveza može opozvati i zamijeniti svog predstavnika u upravnom organu Saveza i prije isteka njegovog mandata ako se utvrdi da predstavnik ne vrši svoja prava i dužnosti u skladu sa ovim statutom i drugim opštim aktima Saveza.

Opoziv predstavnika članice Saveza vrši se na način i po postupku utvrđenim za njihov izbor.

#### Član 36a

Opće, administrativne i druge tehničke poslove iz djelokruga rada Saveza, njegovih organa, radnih tijela i komisija obavlja tehnička služba Saveza ( u daljem tekstu Tehnička služba).

Tehničku službu čini tehnički sekretar Saveza.

Tehničkog sekretara angažuje ( Predsjedništvo) Upravni odbor Saveza.

Tehnički sekretar obavlja ,opće, administrativne i druge tehničke poslove za potrebe Saveza.

Tehnički sekretar pruža neophodnu stručnu pomoć tehničkim službama članica Saveza.

Tehnički sekretar čuva dokumentaciju i druge materijale Saveza.

Obavlja i druge poslove po nalogu ( Predsjedništva) Upravnog odbora Saveza.

#### Član 36b

U svrhu promocije svog rada i edukacije članstva Savez ima i vlastitu izdavačku djelatnost.

Izdavačku djelatnost Savez ostvaruje kroz «Lovački list», elektronsku web-stranicu, štampanje publikacija, knjiga, priručnika i drugih oblika stručne literature iz oblasti lovstva.

Glasilu Saveza je "Lovački list".

Pretpłata za lovački list se obezbjedjuje u sklopu godišnjih doprinosa Savezu.

#### Član 37

Za naročite zasluge u razvijanju i unapređivanju lovstva i razvijanju međusobnih odnosa, članovima Saveza i pojedincima se mogu dodijeliti priznanja, odlikovanja i nagrade.

Bliže odredbe o priznanjima, odlikovanjima i nagradama uređuju se posebnim opštim aktima.

### Član 38

Odluku o dodjeljivanju priznanja, odlikovanja i nagrada donosi (Predsjedništvo) Upravni odbor Saveza na prijedlog Komisije za priznanja i odlikovanja.

### Član 39

Članovi Saveza su dužni da rade u skladu sa Zakonom, odredbama ovog Statuta i drugih opštih akata Saveza.

Za povredu dužnosti iz prethodnog stava, članovima Saveza se mogu izreći slijedeće mjere:

- drugarski lovački savjet,
- pismeni ukor,
- prijedlog za oduzimanje lovišta,
- isključivanje iz Saveza.

Mjere iz prethodnog stava izriče Skupština saveza na prijedlog ( Predsjedništva ) Upravnog odbora Saveza.

### Član 40

Bliže odredbe o mjerama za povrede dužnosti članova Saveza uređuju se posebnim opštim aktom.

### Član 41

Finansijsko-materijalno poslovanje Saveza vrši se u skladu sa propisima o finasijskom i materijalnom poslovanju.

### Član 42

Savez stiče sredstva iz:

- članarine i doprinosa članova Saveza,
- priloga i poklona,
- dobiti preduzeća čiji je vlasnik Savez,
- drugih izvora, u skladu sa Zakonom.

### Član 42a

Članice Saveza plaćaju članarinu u skladu sa odlukom Skupštine Saveza.

Članarina je obavezujuća za sve članice i njihove članove i ista se plaća do 31.04. tekuće godine.

Prijedlog odluke o visini godišnje članarine i način uplate utvrđuje ( Predsjedništvo) Upravni odbor na početku svake kalendarske godine i dostavlja Skupštini Saveza na usvajanje.

### Član 43

Finasiranje Saveza vrši se na osnovu finasijskog plana koji se donosi za jednu kalendarsku godinu i važi za godinu za koju je donesen.

Finasijskim planom Saveza utvrđuju se i raspoređuju prihodi i rashodi Saveza.

#### Član 44

Naredbodavac za izvršenje finasijskog plana je Predsjednik (Predsjedništva ) Upravnog odbora i odgovoran je za izvršenje tog plana

#### Član 45

Rad Saveza i njegovih upravnih organa je javan.

Svaki član može sva pitanja vezana za rad i djelatnost Saveza postavljati svakom upravnom organu Saveza i njegovi predstavnici mogu prisustvovati sjednicama upravnih organa na kojima se ta pitanja razmatraju.

Savez putem javnih sredstava informisanja, svojih publikacija i na drugi način obavještava javnost o svom radu.

#### Član 46

Savez prestaje sa radom:

1. Odlukom Skupštine
2. Po sili zakona

Odlukom Skupštine, Savez prestaje sa radom kada Skupština Saveza donese odluku o prestanku rada Saveza.

Odluku o prestanku rada Saveza donosi Skupština na način i po postupku određenom za donošenje Statuta Saveza.

U slučaju prestanka rada Saveza na osnovu odluke Skupštine, cjelokupnu imovinu Saveza preuzimaju članice Saveza u skladu sa odlukom Skupštine.

Po sili zakona Savez prestaje sa radom kada nadležno ministarstvo donese takvu odluku.

Raspodjela imovine Saveza, u slučaju prestanka rada Saveza odlukom nadležnog ministarstva, reguliše se odlukom tog ministarstva.

#### Član 47

Statut i druge opšte akte Saveza i njihove izmjene i dopune donosi Skupština Saveza javnim glasanjem, većinom glasova prisutnih članova.

#### Član 48

( Statut Saveza priprema komisija koju imenuje Predsjedništvo.)

Statut Saveza priprema komisija koju imenuje Skupština Saveza

Komisija iz prethodnog člana utvrđuje osnovna pitanja koja treba regulisati Statutom, a zatim izrađuje nacrt Statuta.

Nacrt Statuta komisija dostavlja ( Predsjedništvu ) Upravnom odboru koji ga nakon razmatranja utvrđuje kao prijedlog i dostavlja Skupštini Saveza na usvajanje.

#### Član 49

Izmjene i dopune Statuta vrše se po postupku koji je ovim Statutom predviđen za izradu i donošenje Statuta.

#### Član 50

U pogledu postupka za izradu i donošenje drugih opštih akata Saveza i njihove izmjene i dopune shodno se primjenjuju odredbe koje se odnose na Statut.

#### Član 51

Tumačenje pojedinih odredaba Statuta i drugih opštih akata Saveza daje (Predsjedništvo) Skupština Saveza.

#### Član 52

Opšte akte, odluke i zaključke Skupštine potpisuje predsjednik (Predsjedništva) Upravnog odbora.

#### Član 53

Savez će svoju organizaciju i opće akte uskladiti s odredbama Zakona o lovstvu, provedbenih propisa Zakona o lovstvu i odredbama ovog Statuta u roku od jedne godine dana.

#### Član 54

( Ovaj Statut stupa na snagu danom donošenja, a objaviće se na oglasnoj tabli Saveza.)  
Ova Odluka stupa na snagu danom donošenja, a objavit će se na oglasnoj tabli Saveza.

#### Član 55

( Danom stupanja na snagu ovog Statuta prestaje da važi Statut Saveza TK (prečišćen tekst) ov. br: 06/1-05-6134-04 od 07.06.2004. godine.)

Danom stupanja na snagu ove Odluke prestaje da važi prečišćeni tekst Statuta SLDTK  
Br: 06/1-05-18116/09 od 05.08.2009.godine.

(Broj: 01-457/09)

Broj: 01-36/14

(Datum, 24.04.2009.godine.)

Datum, 30.09.2014.godine

PREDSJEDNIK SLDTK

sr. Rasim Omerović, dipl.ing.šum.